

摘藻堂四庫全書薈要

集部

欽定四庫全書薈要

集部

石田詩選卷六

五




欽定四庫全書薈要卷一萬六千八百十一

集部

石田詩選卷五

明 沈周 撰


跡
泊百花洲效岑參

長濠春來水如油
吳王昔日百花洲
水流花謝三千秋
古人行樂今人愁
沈沈細雨停孤舟
岸上人家燈滿樓
紅簾火影照中流
還聞吹簫樓上頭
客夢不熟翻黃紬

翻黃紬夜悠悠拂吳鉤賦遠遊

和張光弼歌風臺韻

大風起兮雲飛揚游子歸來尋故鄉鄉中父老認天子
會酒擊筑歌慨慷載歌載舞未為央留之十日未為長
暢然草木尚有感滿眼故舊情何當丈夫志已酬咸陽
壯心何用泣數行四海一家何論沛猛德何法守四方
千秋萬歲邈在後魂兮不歸天地荒高臺已夷烟草黃
樵童牧豎談漢王

滄浪亭故址為僧所居

一池風月十亭多費價其如四萬何今日滄浪休問主
百年興廢本同波煎茶又勺吳僧鉢濯足空傳孺子歌
只在城南自清徹車塵馬足有誰過

鄭公釣臺

徽之歟縣富登渡有巨石巍然臨湖鄭師山子美釣
遊於此余忠宣廷心篆鄭公釣臺四字刻于石石上
仍作亭扁仰止以重二公之高風峻節因賦

忠宣義死堂堂節死到師山義亦明家國兩人均患難
干戈滿地正縱橫聊因心畫通相感未必漁竿果可旌
何處江湖無此碣幾人標榜有高名龍跳舊刻還堪搨
燕賀新亭又喜成岳勢不迷人仰德石痕固在字含貞
蕭蕭風雨鬼神泣洶洶波濤魚鼈驚一個聘君孤構耳
乾坤今許作雙清

清風嶺

干戈國之禍使妾骨肉殘翁姑與夫男狼虎併一食妾

恨不同死有身何用完有身色所累有色辱之端固知
一死萬事畢死雖容易就死難長軍癡兒徒好色不知
妾命死自慊言挑兵脇不足動俘婦雜守嚴如犴清風
嶺白日寒陡崖深江妾命所安齧指出血寫石壁字字
入石深若刊五十六字瑪瑙瘢丹丘怨血淚沈瀾千古
萬古願不漫詩成一投死萬仞凡姦無計留青鸞區區
眇婦人烈烈男子肝綱常一婦強千男偷生忍死皆達
官偷生忍死皆達官血詩仰面不敢看

登妙高臺

登臺見青草默默感今昔江山本舊觀形勝我新識江山不因臺流峙天自闢臺固為江山亦當為遊客往來相無窮有得與不得坡老莫可呼舉酒酌江色

登姑蘇臺

把酒弔往迹茫茫幾鹿遊興亡兩國夢感慨一臺秋戰葉風仍亂爭流江未休傾城美人色殘堞暮雲愁

韓克瞻宿五國城因賦

金根濡滯是何年寂寞荒城尚宛然來者無窮還逐鹿
歸心不死定為鵑黃沙夜冷霜連草青海天低月墮烟
孤客此時思往事一和錯盡自澶淵

讀荆公爭墩詩

荒墩落日草蕭蕭公我相爭已異朝黃土不知今古姓
亦無百姓種青苗

經趙松雪鷗波亭故址

茫茫遺業海桑邊感慨因歌溪上篇公子不歸鷗自白

庶人來往烏仍玄
靡無細雨山連郭
翡翠斜陽水滿川
珍重圖書獨無恙
淡煙疎靄自千年

經舊遊

最無根柢是豪華
陌暖風清又別家
種種傷心秋雨裏
芙蓉雖好不看花

經陳永之故居

分明經委巷不是昔
來時賢者留相憶
空家住又誰草
蛩悲語在樹鵲故巢移
仁義一如此令人心永夷

宿南潯詢丘大祐張子靜故居尚遠因作

不見二豪誰與遊
髯張入地伴長丘
湖山洵美人何許
生死難忘夢在舟
詩塚莫尋青草宿
釣磯依舊白蘋秋
清苔百里將雙淚
老眼西風獨橫流

重修醉翁亭

丘亭兀兀倚殘碑
風雨漫漫刻已夷
天地無窮翁尚醉
文章不朽石如斯
滁山終古當增價
太守而今復謂誰
振靡扶衰論作者
未應韓子獨稱師

登鳳凰臺

江上秋風吹鬢絲，古臺又落我遊時。
六朝往事青山見，四海閒人白鳥知。
詩卷也充行李貨，布袍不直酒家資。
彈無長鉞懷無刺，浩蕩高歌歸去兮。

懷古

讀漁父辭飲酒詩有感

展書聊就紙窓明，楚晉亡機出一衡。
大厦隳頽何力起，厲階層甍幾時平。
靈均耿耿獨醒死，陶令沈沈爛醉生。

千載文章共肝膽令人長歎莫收聲

讀吳越春秋

春日寥寥雨又風小窓開卷兀衰翁斯文斧鉞興亡後
故國醯雞語話中臺越還聞走麋鹿墟吳真見有梧桐
更憐胥種皆從劍敵破謀亡一禍同

鴻門宴

莊劔擊伯劔翼一家兩人自相賊天當與賢勝人力劔
生豈是屠龍客忙忙勞人三舉玦座上謀臣面無色謀

臣計失失敵國敵縣虎口虎不食盃酒之間天解厄此
機老增亦何識徒為豎兒滋歎息豎兒豎兒策不長富
貴先思歸故鄉凶暴為德凶暴亡至死不知仁義王

灌夫使酒

任俠復尚氣平生無俛顏貴戚相引重聲名槩世間醉
酒屢罵座陷胸若無難挺身執父仇疋馬突圍還豪猾
傾潁中納貨相結歡終然使狂藥禍發致生殘不戒惡
旨說無術良可歎

韓安世墮車蹇足

弘畧濟忠厚智亦當世務片辭釋國嫌至誼藹如故相
階屬甫陟奉引蹶而步何足以蹇人造物偶其數

鍾離意不拜賜張恢贓珠

清川弗納濁方納不納圓簡珠雖云寶穢得名莫全臨
恩所不拜戒飲懲盜泉志士無苟取炳然昭性天

感張宏範逼文丞相招張世傑降

螢燭安知日月光叛降可教正人當萬生萬死不忘宋

一賊一仁何諱張大事未亡膏血在老夫堪哭涕洟長
元臣那識文丞相鐵鑄南冠金玉相

元祐黨人碑

熙豐小人用壞政始介甫類從一何衆三朝養禍祇元
祐用君子四海賀馬呂豁然破積晦有若日當午一日
十二時午位僅一數十一非其位乃在小人所天意未
厭禍善類終遭侮在朕同而異川朔失為逆其輩隨以
動在咸象于股奸京柄崇寧首以故案舉深虞道復長

籍黨表天下一鐫亦莫服鑿石竟何補邪正均一罰株

連示淆盪今於歲月後是非目誰瞽譬瞻星與宿經緯
森天紀不妨紊彗孛各自聚堪指君子猶元氣不能絕
其緒但含消長機小人昧其旨雖云詐力大欲絕亦繆
矣十步有芳草十室有賢士若使朝廷無何以維國是
不以濶小人同事信難處其勢莫兩立傷夷至於此小
人務闢譽君子務必沮奈何君子少莫勝小人侈恃勝
初無人習惡後無主丁秦及賈韓馴至國削土一旦中

原失小人實為估乃鑑殷之亡先聞九侯脯碑者本悲也我來手重撫

馮道二首

能臣五姓亦多忙旦暮朝廷傀儡場儘有癡頑塞羞耻
了無恩怨涉興亡送迎數數真郵督侍從番番老楮郎
莫怪不能知大義兔園冊上祇農桑

相公惟舊帝惟新歷享台垣富貴春竟莫識為何老子
終當書作某朝臣屋房戀戀輸蜂義梁壘依依愧燕仁

功業不知何所有一編青竹漫遺塵

讀漢高紀

書燒禮樂隨之熄長者還生傲慢風四海未嫌驕仲氏
一羹還欲共而翁獨輸留皓鴻矧外莫恠韓彭狗鼎中
天統特推三尺定敢於羸項說英雄

莫砮銅雀硯歌

有序

草窓劉先生嘗賦銅雀硯歌有云呼兒開匣取長劒
砮碎慎勿留其蹤讀之知先生疾操之心發之於言

若是之烈也周懦夫不能不失聲於破缶故作詩解其怒而願有所存也

拔劔碎瓦瓦碎何用碎碎於瞞莫為輕重不如掣取太史筆青竹中間削其統老瞞自欲瞞春秋公議所在人焉度瓦痕雖留漢正朔心實無漢虛尊周願存此瓦長作硯猶因子墨黔瞞面漢賊明將漢法誅千載煙華漬深譴古云不以人廢言言如可存瓦可存識賊鑒亂於人臣瓦無可惡惡在人嗚呼莫將人瓦併案罪我為題詩救其碎

題中興頌石刻後

有冊有冊一尺畸啓閣重是磨崖碑平原太守氣骨壯
殺賊餘力存毛錐千年白石耀深刻風雨不剝神扶持
銅柱莫拔魑魅走鐵網欲破珊瑚指快觀書法十數過
馴讀其語增噫嘻君王愛色不愛國金錢買禍由洗兒
長安洛陽要自陷法宮蜀棧誰安危嗣君雖然返舊物
以得補失終磷緇此碑頌德實揭過有家有國留箴規
晴窓日榻不輟手來禽青李生蛛絲

淵明采菊

典午江山醉不支先生歸去自嫌遲
寄奴蔓草無容地慳剩黃花一兩籬

子陵垂釣

一出聊全故舊私急歸自信海鷗姿
中間亦有君臣誼買菜侯生豈得知

和陳惟寅先生姑蘇錢塘懷古韻

開國樂湖山流觀起高臺因有獻楫人
木青自茲來侈

秦遂亡國捲地驚風埃

孫勝有奇占揚風骨亦無他日秦餘杭三匝不可呼令
人追往夢烏雀悲煙蕪

伯業不可久闔閭行復墓世換悲樹葉人滅驚草露吳
越互興亡無足笑百步

右姑蘇

襄鄧固宜國李相言莫行偷安昧遠圖彈丸荆棘生北
來勢受敵大江顧南橫

海氣薄宮闕燕悞傷故都正如當道蛇延頸待人屠一

枝難苟安展轉南飛鳥

和計適召敵風塵入松關六龍一逋播王氣去不還惟
餘岳墳樹枝葉無人攀

右錢塘

讀出師表

兩篇忠告慨慷辭字字中間有涕洟天下二歸心屬舌
隆中三顧道存伊老臣虛已六未解瞞子輸才十倍之
謹論堂堂誠激烈孤臣瘡瘡力驅馳轉征南北思何遠
愴及桓靈語更危開濟莫酬徒有策英雄先死却無時

天荒大野星俄隕水啣空江石不移不朽文章千載事
後人能鑒乃能悲

子陵獨釣圖二首

霜落江清木葉空丹青有像是非中羊皮不恥見天子
鳳德何曾屬畫工千古超然此翁迹一衾聊耳故人風
能來能去形骸外私莫容窺道自公

一宵展足便江湖能去能容兩不孤天子教人知友道
先生立節為貪夫釣絲裊裊其風在物色寥寥此貌無

附義懷仁言已盡策乎使者亦何愚

陶朱公知子

見苦惜家難贖死阿翁先見已如神曾家老母尤能事
自信參兒不殺人

和桑通判弔文文山六歌失火

兩宮萬里朔雲黃三閩四廣天子忙孤忠老臣老不死
膏血幾時瀟國耻天高欲訴行六歌手把怨筆濡天河
天河不乾怨長在朝廷凌遲家破碎老臣已死稿苴存

金玉輝生舊墨痕
鬱攸小兒那解事
紙影雖空有文字
傳人流世自千年
擊劒重歌雙淚前

時事

丁未九月聞哀詔

樂素安生今二紀
號弓莫盡白頭悲
帝鄉雲氣神仙遠
地道春恩草木知
裳繡不曾通藻迹
野食空自切芹私
江山無改千秋物
明命惟新又一時

聞邸報

白髮窮簷憂老農邊塵日日有驚烽諸公謀事誰房相
今上籌邊似太宗萬里長城須法守一丸函谷豈泥封
勞來逸待無餘說堅壁何妨數十重

聞三原王公致政

功烈堂堂六十年勞勞萋菲不妨賢至公何待歲與月
未定且由人勝天雲鳥青山形迹外風塵白壁笑談邊
江湖雖遠憂仍近長對南薰憶五絃

聞劉兵侍稱疾竟歸

即枕初章便買船要歸竟自有歸緣誰知原憲曾無病
我信張良豈在仙長往莫維駒皎皎冥飛不下鳳翩翩
先生此去江湖大真與鱸魚長價錢

讀楊宮詹與屠太宰論事劄子

閔

氣則直讀之聲淪淪韓論及歐書異代而合蹤既可扶
國是抑竭朋友忠百年無此言友道從而隆朝廷罰臺

給株連班直空宰公乞攝曠奏上何忽忽畧弗涉救援
於是涉迎逢急彼故緩此意外有牢籠人情鄙茲疏詆
訕紛詢詢臺為風紀御給本絲綸總朝廷托耳目立法
由祖宗官小係則大責重望乃崇懲忒以之律邪佞以
之攻從則如水流不從如水壅士氣要在養養則其氣
充折沮天謬諤使之抱暗聾天王本聖明宰公實股肱
信之如著龜可以定吉凶慷慨能行義豈曰無優容
難解者彭王喜怒注宸衷程罪終見釋鉞幸終弗庸公

議皎如日曉及三尺童豈辜顧不諒而弗及童蒙朝廷
行是罰名以懲不供因攝以寓援何不鑑觸龍乞漿或
得酒求魚庶離鴻言患不至此何患聽弗聰所惜在諫
垣兩挫一歲中歲來其媿媿履霜愴凌凍不可視朝廷
長有拒諫風鳳鳥吝不鳴若鳴致時雍匪為羣諫地自
樹弼亮功其日舉傳奉逮諫適相同奏名四十員珂馬
耀長衝胥靡共趨走俛默不敢顯觀者謂不祥道議起
如蜂其責將誰歸未可謝匪躬當憫時不平亦可悲人

窮不鳴豈瓦難不應豈木鐘豈待七年發救焚必征公
但恐緩不及激切有緘封令人思三原當此熱心胸陳
乞惟恐後剴切期必從皎皎歌白駒一往無留蹤江湖
渺吾憂其言不可終

予於弘治丙辰間承乏天曹夏四月十有三日科道
官奉旨俱下錦衣衛獄予聞之召四司詢科道得罪
之由皆曰不知且言諸衙門所進民情封事既得旨
例捧到科交收今既下獄無人收領各官既不得領

出於外又不可留宿於內聞先朝亦有科道官下獄
時請命中書等官攝其事予未暇答銓司具其事呈
堂時日已至申乃急為轉達遂得俞旨是夕臺部封
事方得人收納次日予鄉姻宮詹楊公

名守陞別號
碧川今陞南

京吏部尚
書致仕

致書於予大意言科道官下獄閣下即當

抗疏請貸如何差官代其事予以不知科道官得罪
之由難便請貸及臺部封事無人領收事不可緩之
故答之次日早予鄉友掌科呂公

名獻令任
順天府尹

下顧問

予曰楊公昨有書與閣下否予曰有因誦彼此書中大意呂公曰楊公亦以此書送六科科中人皆疑之予笑而不答後與楊公往還如舊者經十餘稔未嘗言及此事至今年秋予朝退還邸第忽有客以先生石田詩集與犬子徑者予偶抽一冊目之遂見五言古風一首題曰讀楊宮詹與屠太宰論事劄驚曰異哉讀畢不覺大笑因次韻一章名曰解嘲云丹山屠瀟官遊久京國學通尤未通見惡必遠避見善長加恭石

田乃隱者賦詩亦多工如何論朝政所論殊不公此劄
實差謬何謂聲淪淪到處任播揚有類衡與縱碧川居
論思如何不納忠致書戒老夫友道皆云隆追思昔年
事大明麗長空堯舜喜復出萬機任忽忽納諫真如流
明良喜相逢荆榛委離落芝朮收藥籠萬姓樂熙皞四
方無鞠詢今上初出閣庶事元老總九卿集東閣講官
索儒宗先求語言正更論德學崇人各薦一二不稱交
相攻老夫薦兩楊

一即碧川一乃今
元老石齋先生

碧川川流壅為語

帶鄉音不及問學克因之又復薦元老耳若聾欣然用

石齋萬口稱股肱碧川已備知豈肯心懷凶同鄉又相

親度量廓有容維時科道官有事忤宸衷一朝下繚綫

難便責保庸

天官八統五曰保庸安有功也

巔末尚未知焉敢干重瞳

臺部上民事俞旨俱已蒙日暮無人收厥職誰與供越

例送臺部又恐觸宸龍天曹借中書攝事猶賓鴻此舉

實蓋規碧川豈不聰書來既善道如何報科中彼若擊

巨石我猶履薄凍今復寄吳下大傷君子風碧川豈為

此姻舊情雍雍意必有憮邪假此成已功抑恐入銓者
邪正有不同或嫌不超擢或怨非要衝當時呂都諫氣
節儕何顯亦嘗論此輩懷毒猶莽蜂其禍必在後亦或
先其躬福善與淫禍循環兩無窮莫道此言虛應若豐
山鐘雲衢謾委蛇何必好征徂馬周三十貴屢受漢室
封崇卑各分定何必縈心胃石田若聞此其言未必從
我欲到虎丘攜酒追吟蹤願言保遐壽待我談始終
右此和篇蓋都憲屠老先生之所示喻者冲和沛博

之文裕達含宏之度弗愠不知弗遷所怒藹然使人
知長者之德如此也周林野迂腐老昧時宜初因楊
宮詹之劄子將謂其篤于友誼相資成善能警薄返
漓於今之世又謬恃三百篇之旨有懲有勸形于里
巷而無責於是莽無顧忌循其辭而貫穿以韻然其
間鑿枘齟齬而有得彼失此之譏愚何容度嗟夫侮
嫂氏之毀撾婦翁之誣古猶不免都憲固自諒之矣
但周於潞公之所分謗梁公之所為容焉者不能無

愧耳敬跋簡後庸識其迹之始末云

觀補官

冠冕耀通衢羅綺照芳春珂馬等列侯洋洋意氣新觀者歎且信黃金能貴人黃金本假借觀人自失真窮閭處約子讀書苦長勤書聲振悲風莫吹甌中塵敝褐三十年一紱難賁身問子何事此好義已忘貧

揀瓜詞時提學公黜諸生貌寢者

累累黃臺瓜種者欲求售碌碌買食人擇美棄其陋大

小各隨形偏正亦隨生滋味在其中包藏那得明君不
見賢妃白頭女又不見賢相跛足子嗚呼貌取豈盡爪
外陋安知中自美願華一鬢請君嘗滋味分明為君死
喜李貞菴致仕

九鼎忙忙作人餌頭白眼花朝鼓裏先生有才足補衮
有俸未足充妻子未衰告歸急於矢不謀朋友斷諸已
先生自是不羈人健鶻凌雲秋萬里君子難進退則易
禮義堂堂盡終始太湖可釣亦君魚陽羨堪畊亦君米

出兮處兮樂天私更有文章賁山水

聞余司馬子俊罷撫邊

干戈堆裏許抽身回首功名剩角巾
北敵西羗無外顧青天白日有閒人
尋猿棧道家鄉蜀走馬邊牆夢寐秦

公築邊壘於榆林為功最著者

歸興在詩詩在酒杜鵑啼破萬花春

洪城奇遇

林秋官待用張府歷兼素俱因言事被謫既而賜環
先後同集張內翰元禎宅因而有作

先後萍蓬迹洪城此夜盃星因賢者聚朋自遠方來返
駕白駒谷集靈丹鳳臺文章留健羨千載識奇才

盜發

小竊雖飢寒巨猾實扇起十百相黨羣刀又弄凶技前
鄰遭砮闕逼貨炙妻子後鄰發重隄進舟當門艤擔負
亦公然罄室乃云止稍或有抵牾人戮廬亦燬無何閩
西村旋復嘯東里通川及要路宵征絕行李檢刮空腰
纏裸至衣裘褫天寒冰載路溝壑何不委家家夜結束

老少泣以俟一息苟奠安天明各相喜正念一井閑騷
動乃如此江東連江湖固是盜所倚禁弛氣則張類滋
勢難弭有官示以仁得錄不之罪恕實長之道無乃延
小美有聲自此輩識者謂辱已況彼有後言時哉好生
理教虎不啗人所性安可使使譽出賢者天下知善士
民以靜為樂貿貿安生死雖然廢賙恤糠覈自甘旨去
蠹木欣榮除蠹禾茂疑苟以刑不仁誅卯亦非是刑以
齊亂民用之不得已如何輸租人米駸斃于筆

海讐行

海東衡沙浮半洋夾亘頗與崇明長魚鹽蘆葦貨攸聚
利啓爭奪循為常中有無并兩豪族施恃其勇董恃強
強之無厭勇乃襲燔廬刮產威靡亢強銜所劓思報償
舞波接戰成劉戕縣官移寇悚上吏林侯未然壽且量
首先號召命不方老豪來歸訴讐敵不敢犯法畏有章
區區螻蟻尚顧命拒死不免蹠螳螂雖云餘類擁其子
跼蹐祗為讐家防傳訛乃煩兩重憲地隘豈足鵬軒昂

魏公善鎮殊不忙陳公善料殊不揚臺按臬監來頡頏
所在草木知風霜羣僚從事亦濟蹓如雲翕翕星煌煌
于時曜武勢大張海日照雪明爰折五牙艨艟具三百
艤岸只待令乃翔諸公在撫不在勅不教而殺謂不祥
緣情究迹有可恤馳文往喻開張開誠布公明而光
援其所溺存其亡大小感泣皆奔降納兵納船恐弗逞
纖颺不動海帖帖遊氛一捲天蒼蒼玩之則肆未免禍
拯之且暇曾無傷天王聖明宰臣正今日詎曰無姚房

土偶禍

錚錚鳴鑼彭彭伐鼓復有旂蓋亦有戟斧精力駿奔無
有老豎整整肅肅什什伍伍絳怕怵首花繒繳股中輿
者神像之以土炭乎其冠被以繡組覲者前導跳梁盪
舞亟進如驅適止如阻云神案行于彼災戶惟災之戶
鞠躬偃僂小心來迎翁前後姥家無大小一一拜俯擊
牲化楮薦以醇醺祝神加饗稱我神主惟疾惟患我祐
我祐覲迺執乩運曰神附擊案作聲覲曰神怒必汝不

度不明告汝渾舍載拜極哀懇苦覘始作書曰有逋負
設通夢寐或聆咒詛牛豕如干等以犬豸鷄鴨及雞計
當倍徙汝承其償其患良愈冀忽輟運少間復舉謂以
汝故往懇獄府曲為之解幹生死簿覘之以下如狼如
虎慙翁懇姥不容有語指日令償令面神許翁姥跼蹐
無以經紀質我青苗鬻我小女典我衣裳翦我機杼求
我親戚貸我鄰比是日之屆其輩來聚主張督責枚舉
件數數無虧少物必豐美獻事甫成饗彼尊俎酒肉淋

滴撐腸挂肚復有苞苴鬻蔽核糶此輩未出患者為鬼
越明之日神復求祀即于東家其作如故哭者在西無
警無悟咄咄之氓昧乎義理生死係命聽稟有數豈是
土偶能奪能與今既無靈不察何俟噍噍羣小附土利
已土豈有知羣小實使此事有類河伯取婦有豹為令
悉投諸水

吳俗火葬

火葬壞吳俗沿愚罔知教體魄輕父母死即昇野燎何

異災人巧亦類儀渠燒古歛以週身致慮防臭暴復棺
益之槨厚土事定燾區區人子敬鄭重寓私孝燕師慘
掘焚齊人愾敵效子豈忍父母炮烙曾無覺曹侯憫其
弊古訓不可弔闢園號漏澤叢瘞周四塋士庶尚有言
地局寧盡害其言聞之公擊節歎且笑吳愚不聰明耳
目塗泥淖譬諸黔婁衾不足我奚校我為名教惜槁植
聊盲導虐死苟無親逆生馴亦要勿謂一燭微大惡由
茲造

乙丑六月間哀詔有感

八十衰黎死境臨哀傳尺一痛難禁虞淵愴日江湖淚
杞國傷天蟣虱心負來周公正思畫解民虞舜未亡琴
白頭病枕茅茨下時夢新君在諒闇

愚翁分與世緣疎國恤驚心泣且吁生長太平惟欠死
老衰餘息尚何如不知伊傅誰調鼎欲夢羲皇我枕書
終日無聊思理髮雪莖些少亦頻梳

述懷

病起試酌

山尊得酒且高歌
百歲流光已半過
病眼看書真處少
老懷追事謬時多
髮隨落葉驚西候
門對青江惜逝波
今古英雄同一盡
浮生不飲復如何

病中夜雨起坐

藥盃香炷與溫存
養病功夫要閉門
布被擁寒書作枕
紙窓催曙水臨軒
楓生赭色知霜辱
蕉負爭心共雨喧
物性人情靜觀得
得來還欲費吾言

早起

養拙藏衰結靜窩是非如海隔雲蘿
面前雪影梳頭亂空裏蟲絲礙眼多
病女從人家落魄老妻淹殞歲蹉跎
虛懷昨夜當秋雨惻惻蕭蕭兩奈何

理詩草

佚老餘生願失子末路悲不幸哀颯年數畸
遭禍奇獨存朽無倚如水去旁枝刺此破門戶
力憊歎叵持屑屑衣食計一一費心思思深氣
血耗痠痺引百肢多忘識

慮淺耳瞶目魚眵一旦一身內有此衆病滋所苦不敢
訴常畏老母知小孫蠢不學次兒誕而癡後事不足觀
百憂無一怡吾性無妄好執善信不疑垂垂白鄉朝
斯還夕斯高冥冥者何物顧相欺似我未蒙祐反有
留害罹滾滾人海中黑白何可剡口亦不能問理亦不
能拒以死致度外且活是便宜今日盡今日明日豈可
期亦復酌我酒亦復吟我詩我詩無好語稿苴從散遺
兒在曾哀葦今紙著淚糜抱患天地間空言亦奚為

思理衣

七十餘年一老翁
心情鶻突腦冬烘
寒衣無婦無人補
日日闕窓怕北風

七十餘年一老翁
衣穿絮破不堪縫
清霜滿地無區畫
掃得蘆花莫禦冬

脫齒行

我齒食所系
食以系我生
齒脫寧不憂
其系本非輕
近來漸脫二
脫者盡之萌
既脫不復留
留者亦難撐
留如

汎虛搓脫如鑿深坑編生如相輔豁一傍須崩生食原
相資今作水火爭妨食生必妨死理端可明完業譬大
族恃子在守成其子無固心先蕩黃金窳屋售繼失居
田鬻還絕耕溝瘠諒在眼身家同一傾觸類有攸感我
賦脫齒行

病懷二首

衰遲宜靜不宜譁事莫堪懷動歎嗟病遣稗書還藉眼
老便飭粥又妨牙栽花賃地春無主斫竹開門月過家

任是客來難強酒小陪清話一燒茶

朱顏與白髮掩鏡兩茫茫天地大夢宅烟花一戲場算
忙閒固少併夜日還長吾酒吾詩在桑榆弄末光

自述次人韻

日高屋瓦未消霜卧聽秋潮捲石塘九島迷行魚性樂
一鞭威後馬蹄忙獨憐詩是吾家物但有竹為君子鄉
闔外南山今好在時時飛影到清觴

病懷

膈痰漫漫似春潮伏枕旬餘氣未調老日易過如短晷
病懷難遣厭長宵隔窓忽忽影度烏鳴瓦蕭蕭風墮樵
藥物尚功全斷酒庭柯高掛舊山瓢

病中

白木匡牀草薦柔坐深無寐獨搔頭明河轉影天低樹
清夜分更月過樓病骨瘦生先覺露老懷虛甚易驚秋
七情莫與微軀妬生已知浮死識休

舟中有感

世緣一向只昏盲靜裏觀心始自明得喪有塵齊後滅
是非無種辯時生秋峯長嘯魚天迥月閣高眠徹夢清
老矣此身真長物不知何地著虛名

齒落

七十三年與我存一時迸落豁開門車空已覺乘無物
舌棘猶嫵利有根顛倒自憐臨水漱含胡人笑漏風言
數來滿口今餘幾軟粥香醪具瓦盆

寫懷一首寄張碧溪

喪亡火盜歲相魚鬢髮髡然瘦骨尖有命窮通天自定
無憑禍福事難占閭閻苟活隨黃檗衾枕媿安且黑甜
海上故人來慰藉不妨一月酒杯拈

閒懷用郭天錫韻

落魄青衫隨草色蕭條白髮遣年華徒勞夢寐費憂國
錯認詩書能起家愚去刻舟忙覓劍饑來索飯誤炊沙
人間亦自有樂地酒遶山巔與水涯

早起偶書

秋早耿不寐起視天蒼涼鮮霞凝高宇隨日賦采光露
氣浮草木流潤及衣裳人事頗無接懷澄知慮忘

睡起

望七衰翁與嬾便眼昏祇好枕書眠算前去是荒唐日
喜後來為受用年麤糲飯香蓴菜裏子孫計遠橘栽邊
支藤閒遶花蹊看蝶鬧蜂爭各要先

簷間落葉擁高秋謬使人推隱者流背有微暄念天子
手無漫刺瀆諸侯老知絲竹殊堪賴遠為兒孫未免憂

身後算應憂未了且來拂壁畫丹丘

睡起小酌

黃鸝啼夢粉牆東簾幕深沈日日風起喚酒盃尋一醉
春愁打破落花中

齒搖

當唇一齒齟將脫根槎枒棘舌妨嚙食致憂豈云此動
搖苦浮危軼出奈參差疑口常沮枚比眼如礙沙山水
失嘯歌日夕人歎嗟終知莫附斷且怪久戀車惜惜滋

流涎數數撫斷槎欲拔涉梭誚希生聞藥涂脚存徒為
耳卒去何快邪大似狡酷吏作孽開公衙還如敗劣子
驚外莫安家但得噴一嚏迸落從谿衙嚼肉補空竅呼
酒洗豁屋掀髯捫其餘幾輩棲殘鴉作詩尚有告伴老
行歲華從邁勿以類留二學呂誇湖鄉堪養老鮮美多
魚鰕

田家詠

久矣居畎畝邈如遺世人地靜習雖陋野意還自真怡

怡晨夕間言笑諧四鄰有作相告戒鳥鳴知及春犁鋤
假筋力竭勞供有身身在勞何息顧莫養精神服氣能
代粒希仙渺無津家業信難易樂以充堯民

我畝蕪且墾我隴磽不平發歲奮乃功束作覲西成搢
搢低白頭秉耒日經營稅傭及時畢辛苦勤王程但餘
秣一斛酒熟歡已盈醉引耕田謨不復忌高聲願隨天
風吹吹達九重城劉璋啟此調千載遺令名

無酒

山桃亂開紅欲然我宜賞之無酒錢十常九事意不愜
百又五日春堪憐誰家竹葉賒爛醉滿眼花枝笑醒眠
何消苦苦仰司業便可燒茶隨玉川

老年三病

轉費揩摩轉減光苦無障翳只荒荒俛眉作字仍虛畫
觸鼻看書反差行蓋幅鮫綃花懵懂隔重雲母月微茫
從前了了都休說青白甘輸與阮郎

右眼花

苦無聊賴坐新聾終日騰騰兀兀中著味笑堪陪坐客
劉分癡好作家翁跳缸昨夜安秋枕墮葉明朝問朔風
非是是非還自有我無聞聽便應空

右耳聾

風襲蟲攻兩禍端左車淊淊載梅酸舌都無恙先輸弊
唇未云亡莫罪寒送藥親朋徒說效勸餐兒女不知難
老年飲食非輕事义牙今年醉牡丹

右齒痛

感興

世路多屈曲拙夫從直行勉欲就此軌未忍枉平生不
如且裹足靜坐羣慮清莫顧蠻與觸了不知分爭莫辯
變與竄多少亦自平持盃洗浮雲太虛極高明

病起

病骨支筇却下堂瘦顏衰鬢入愁鄉黃鶯饒舌花饒笑
一樣春風有別腸

寫懷

荼毒何堪此老身哭兒哭母白頭人海枯兩眼惟乾血
天喪一家俱至親多病所需常乏藥殘生未了尚憂貧
勞勞筋骨仍婚嫁獨對梅花愧世塵

鄰火幸不及殃

城門失火夜深時萬幸先生不姓池舊屋尚存還納客
殘書不燼可教兒行藏在我焉無過善惡惟天自有知
今日一盃須爛醉白頭俱是老便宜

闕

撥雨悶

時海盜竊發

久雨我亦厭
淅淅落不公
下田何太濫
東海更羣兇
道路濡際干
戈蹋葦中樓
臺虛蜃氣波
浪假鯨風老
者

見不忍高天訴曷通掌盃雖撥悶抑鬱尚填胃

秋涼遣病

淔淔新涼兩月秋病多猶自不梳頭饒奴客燕虛支酒
嬾子書繁假惜油蟋蟀庭除朝露在蟪蛄窓戶晚煙收
近時江海欣平盜斗下芒星又可憂

林居病懷

老去不信老自然筋力疎忙緣一嬾送病髮十朝梳掃
地風還葉開窓月曬書秋蟲不解靜干聒夜涼初

石田詩選卷五

欽定四庫全書薈要卷一萬六千八百十二

集部

石田詩選卷六

明 沈周 撰

忠孝

節義附

唐琦

琦紹興衛士也高宗南渡海金遣將追至紹興李鄴
為守以城降方與金將並馬行琦從後持一大甕祝
曰願天一擊殺兩賊甕中馬不利被執金將謂曰汝

欲何以死曰我願以布裹灌油焚燒三日示媿降賊之臣也卒焚之其意恐金將追及高宗欲以緩其程也鄉人異而立廟長簷街國朝贈將軍祀之因賦此一甓真如博浪鉅事機不偶亦空施降城未分身無用罵賊猶知舌可為膏火願延三日死海天能信六龍之長簷街上春秋祀李鄴魂應媿此祠

孝詩六章為顏季栗賦

歸骨

李粟函母骨歸自鳳翔負而陸行懷而江行卒全首
丘之葬作歸骨操

荷之跋之函歷阻脩懷之涉之函經橫流生死肉骨兮
天既罔求俾我首丘兮豈天固教

惟山有狐惟水有龍實能侮骨其割爲朋雖朋其割終
不我離微母之靈兒曷能爲

迎養

李粟既迎父歸養至視溺清濁以度飲食而慮致疾

也作迎養操

父還兒迎

叶

越彼西疆既達我宇其喜洋洋亦酌我酒

其樂融融惟天之德惟家之慶

叶

惟漶之濁我心之惕惟漶之湜我心惟懌彼胡然哉孔
系于疾爰度爰徵爰修飲食以夕以日我心弗忒

哀殞

季栗以父疾卒哀慟五日夜遂亦不起蓋孝之過厚
者也作哀殞操

嗟嗟違和考實邁痾嗟嗟痾沈盡傷我心鬼神其知兮
祈以身代惟考生兮我亦奚愛

考無辜兮愁印實延顧兮致歿愴印持全茫茫昧昧而
理胡然嗚呼恫癯兮五內分裂匪欲自傷兮哀至莫節
魂縹縹兮上升氣盍盍兮隨絕

顏氏婦節孝卷

人生苦是從軍行致之死地而復生何況婦人處閨閫
不知關西多少程相從翁姑萬里去性命自擬鴻毛輕

風原霜磧莽何所嗥狼哮虎心魂驚新婦不敢嗟棲孕
手扶病姑兼兩嬰中途姑病不復起一身無帶猶漂萍
歸來函骨尋舊路有眼茫茫渾似盲嗚呼顏家新婦命
薄苦如此只樂節孝傳其名

崔孝婦

孝婦視姑疾轉革心徬徨潛以肉代藥誓爲續命湯存
姑若無已剗刀若無傷鬻落痛不入人知云未嘗皇天
助肉神一啖姑下牀子激哭其創掩口使勿揚汝揚我

則過違教理非當肢體具父母克全孝之常此蓋迫不
忍事出倉卒腸復有寔親地既爲豪所攘歸壁須大力
婦人本何逞拔我金雀釵脫我明珠璫別壤吉可買抱
骨改其藏憤懣終莫釋悵悵致殂亡豹斃尚遺文麝死
可畱香孝婦雖已矣令名身後光

周節婦孝感

黃氏十九時歸周文璧氏二年文璧喪弱惟一女恃有
姑患痿痺其狀莫比儼有肢如無筋有骨如無髓在牀

如空中有身如蛻委日夜但冥冥僅有息存爾聞聽與
觸動稍及即厥死薦地方礙步通問必附耳艱難食溲
次不敢託諸婢百藥無一效百累叢一已黃氏心煩惱
惛惛不知處東家優婆夷憐憫爲黃語汝姑弱苦海汝
知故何以慙業如丘山宿世所積累須皈大勢力南海
有大士解難說真言功德莫思議但要深心持日日要
如是一言一拜叩億又八千數在佛雖有程敬愛無庸
紀功深果報近何患患不起黃氏聞是言煩惱生歡喜

潔室便置像恭敬爲作禮沐浴體投地心觀口娓娓亦
不知其終亦不知其始亦不知其寒亦不知其暑閱日
千八百厯年數得五俄夢見一姥前黃行迤邐心謂是
現化稱名畧不顧極力欲追即步步懸尺只逕入一區
廬闔戶若相拒欸叩發號泣其戶豁然啓菩薩示妙相
金光燦瞻睹頭上珠瓔珞晃晃復葢蓮目垂慈光宣
言啓玉齒黃氏前諦聽合掌作長跪云汝依吾道悉知
悉見已慈悲爲我愿豈無囑付汝循功加精進九日一

扶倚七九扶以行前及我處所覺來汗淋淋其言尚在
耳悟佛爲衆生方便指門戶信心愈堅牢額破吻俱腐
臨日試小掖筋骨覺可舉屢試屢無難還能步移跬
于詣像前奠香致情旨其炷從空躍踰梁而直下乃著
於本人正中頂顙裏其聲若驚霆其勢若擊杵身心發
震竦百苦悉皆去如風捲天雲不復剩渣滓如春活枯
草如冰化爲水親黨盡來觀讚歎世無此姑謝新婦力
脫我出死簿新婦答何功菩薩威力故此事聞其甥王

綸能覲縷韋虛氣治痿若或有仙技黃氏孝治痿專以
誠爲主格物與布氣非誠莫相與孝有致久早孝有致
冰鯉事本出非常未可論常理我特書其孝勃蹊用爲
砥至今崑山人大書播邑史

石節婦

呂家有小姑許嫁石家郎石家罹法網合族無畱行
里豪復求婚趁此事更張慙懃媒氏蜜爲口不知小姑
鐵作腸誓云生死石家婦有脚不踏他人堂皇天后土

憫節義石郎不久仍還鄉流蘇嫋嫋開洞房春風吹入
雙鴛鴦百年伉儷只三月明鏡忽破無完光拔我黃金
釵脫我明珠璫東市買棺斂西山買高岡土中先鑿合
歡穴怨骨待其他年藏此心已死身未亡身上不著新
衣裳有身苦無兒女託養老來依諸弟傍只今含笑入
地下七十八年雙髻蒼君不見松枯尚有節蘭槁還畱
香節婦之名不可泯當與萬世扶綱常

貞節爲朱孺人題

松溪之松貞不變松溪之水清不污松貞水清鍾節婦
節婦有家溪上住及笄婉孌女于朱松上女蘿期永附
四七之年分死生女蘿煢煢松忽仆三雛眇矣提抱間
今各斬然能幹蠱晨春夜織三十年白髮毵毵照荆布
少時望老不易到見苦歷勞安末路譬拔金釵投火中
火盡爛然金若故燒香暗告泉下人白日知心已無負

顧烈婦俞氏義事

顧春吳庠生娶俞氏頗涉獵書史有婦道春患瘵不

起呼囑好事舅姑養子女言切而載婦曰一言當終
身服行何俟再四乃潛握剪以利鋒刺于左目流血
滿地絕而復甦春責曰何乃如此曰示君信也春遂
卒因咏其事一首

翦鋒剌落玉精神要使亡夫識念真判死不教畱好眼
示生無復見他人波翻銀海傷珠顆血迸金支破月輪
表向胥門舊懸處配成忠義激風塵

烈婦吟

湓清西許薛媛邵婦邵吏坐法逮者如虎逮悅薛嫵佻
語肆侮薛醜其語身雉經誓不辱夫以死明黃犀辟塵
塵不生白玉絕玷玷不成嗚呼荒塚久欲平後人立石
題烈名

烈女死篇

周家女子李家婦未嫁夫家但相許正如一樹未開花
分明自有春爲主李郎病瘵兩年強說道今年番上牀
聞來人語多不的口又藏羞難問娘只對寒燈淚如霰

爲重爲輕果誰見此身空負嫁夫名此眼何曾辨郎面
阿娘背女泣堂前忖是郎邊凶信傳烈姬重義輕一死
貞女安心無二天通身示孝衣裳白長練高經繡房夕
在世鴛鴦不得雙同到黃泉願成匹

烈女生篇

阿娘心悸夜不眠起來顧女如雉懸肉寒氣絕強求艾
引息微微吹碧烟奪鬼爲人假天手天亦憐渠能過厚
怕教此義世無知不使其人世無有夫妻未媾本何私

分在名存白日知何如死向白日下千載分明心不欺
今載聊因阿娘活枯木暫回根已撥將心化石立即瑩
表是郎妻刻妾名

葉婦高節詩

節婦鄒氏年二十三甫歸官橋葉氏子芸僅五十五
日芸卒節婦誓死不出房限不與人見其姑謂曰奈
火盜疾病何節婦乃約云云後疾革囑曰吾寢生處
以安死必殯此不可容弔者入如生之不接見男子

以畢我始終之志言訖而歿享年六十有四余高其
行度越常流遠矣次第其言以著于篇云

葉家夫郎鄒家婦百年同生誓同死五十五日天奪之
一箇孤鸞失其侶腹中顧後無男女手中托生有機杼
短檠長夜不敢哭白日深沈閉房戶老姑謂婦歲月長
新婦告姑聽我語我身聊奉姑同居我心已與夫同土
青天雖高所不欺白髮固遠要自取憂勤患難以靜制
禮義廉恥在剛主火來脇房我不動委身一焚火莫苦

盜來敲門我不驚先身一刎盜何侮病來容樂不見鑒
有臂可斫診不許事雖未及慮早及口既能言身有處
世當可重儼金玉家不可少比稷黍臨終一著尤可竦
笑謂家中諸嫗姆老身幸享六十餘數盡年窮理宜去
紛紛身後惜事亂從此治時先囑汝房前指限喻如山
自我入來無出武房中處久於我殯魂識依依得其所
生前忌接男子面死魄毋令弔人覩人間殘寡堪作訓
始末高明越今古朝廷未聞鄉里頌完德更宜加藻斧

何人有力達太史何人有力達公府嗚呼節婦今冥冥
其身可腐名弗腐

贈韓珍

恩以生骨肉義以生撫育韓珍本異姓恩與義兩足心
肝蓄義血甫有數十斛義氣溢皮毛馨馥及衣服主父
病京邸危命一綫屬千里獨奮往併日走匍匐藥物無
能爲事亟刳股肉股亦割義刀無懼亦無惱雖然不救
死揆意義亦篤君臣亦義合往往逆亂伏珍乎可珍哉

搖毫吾特錄

咏費彥傑還釵事

淮安新城下交易利所在往來日萬人財貨隘閭閻道
上或有遺一錢尚爾愛老叟費彥傑早行足有礙俯拾
黃金釵耀目口發喟乃詰旁居人經此何淑艾衆云未
始見見祇有輿載恐是帷中脫去此尚未邁費追逾阡
陌氣喘力良憊止輿問何失曾莫有所忖輿女驚其言
撫髻乃覺請褰帷出粉黛便即就地拜還釵叟疾走更

莫延少話女却叩姓里答云不足芥無姓住亦遠欲知
將奚待我亦弗汝詢彼此付曖昧此事常有聞但慮斯
言變偶與叟相接詢之乃至再叟笑云雖有宜還無可
恠嗚呼古人事喜見行今輩揆今實謂奇蜀日犬乃吠
在叟似非難在衆則難逮義利寓人情要之得其裁吾
詩爲叟發庶亦存俗戒

蜀國宋承奉好義歌

君不見簪折尚有憾缶破還失聲可棄復何惜奈有不

忍情蜀之內相宋公者儒服願借貂璫榮翻編展卷日
不輟談仁說義口似天河傾前年構江橋長虹跨彩成
雙清今年結淨居樂哉斯丘手自營費金萬餘極宏麗
空墳一箇身長生國初宋學士華國文之精蠶叢生流
死且寓山水啗塚見者驚今之內相古王臣感此惻怛
思遷更撤我安居爲彼佳城萬金之重忍一擲折簪破
缶無其輕割愛以酬義千人萬人無此能割財以徇義
千里萬里流其名來者有濟行人讚歎橋上行逝者有

金史四庫全書
卷六
惠枯骨負荷於冥冥何公慷慨乃如此其德好藉詩書
成可笑士良以書禁人讀欲使耳目塗聰明嗚呼以公
視仇仇乃詐以仇視公公乃誠

義商行

商程無山川逐利是所征商車無歲月徇義豈其情程
君惆悵懷久矣客遼城前年聘少房鎡金酬娉婷娉婷
來歸際掩面淚縱橫謂翁坐逮賊鬻夫未能盈失身馴
及妾包羞履君庭彥寬未畢說毅遣誠坐行人妻我可

奪人急我可乘酬金弗汝責毀券迹亦平既以續伉儷
復以贖笞榜父子與夫婦載造遂歡迎義利在天地有
若火水爭達人識所嚮遐邇騰芳聲我聞詰彥寬輶爾
無答應徐云勿多揚我初不爲名我即低頭拜古誼重
光榮讚言欲勸薄拙斐惟勉成

常熟張修謨孫女許人爲妾楊大尹明甫改妻先
賢言氏之子因賦

芳蘭玷糞壤貞女議少房爲計墮媒舌父母惑如黃女

子何所知衷心不分明令尹廉非偶喟爲先德傷割俸
資返聘乃幣乃篚篚改求大賢後言氏得秀郎貞女與
秀郎既婚復有將此事若天幹鬼神與之襄令尹通神
明義氣扶綱常摘珠出泥塗炯然開夜光拭壁從埃壒
煥爾昭天章富鄭自范擇言子思激昂結草報治命翰
譔當不忘我特歌尹德詞短意則長

胡婦殺虎圖

誰謂統指柔能化百鍊鋼誰謂婦女柔殺虎如割羊有

女如鼠恐其虎況能殺虎非不祥脫夫之命豈例此當
熊之勇同肝腸尋常鍼線倦紫鳳卒與虎力爭其強虎
時顧得不顧失婦心顧存不顧亡手中有刀愛作刃以
義淬之無敢當天寒月黑星有光虎血塗地葭蒼蒼人
生有行無棗陽

楊氏義塾

老重諸孫教還推與衆同就於家有塾顧自我求蒙買
讀書金白供炊廩粟紅四方皆競利此地有文翁

分得義莊送李中舍貞伯還朝

君不見范公嗜義如飲食范公庇族如羽翼親踈百口
百不憂養生送死皆公力公存公亡猶一日有田供需
惠無極伐石紀事莊上頭大書特書高十尺李君車馬
有行色下馬讀碑三歎息若見甘棠思召伯若對澧流
思禹蹟李君亦豈尋常人身小才大氣正直博學強記
無與敵平步便當超九棘十年小心職文墨階次悠悠
鬢將白故園已築梅花莊此意含仁我先識嗚呼范公

之後多閒田願君買接東西陌

鎮南世節行爲黔國公賦

黔公坐鎮封內清黔公臥治封外平碧雞金馬作門戟
復有滇池供洗兵黃牛平把寶刀換春山來勸諸夷耕
諸夷愛戴非一日子孫孫子知生成雕題花脚最難服
今日推公無孔明憶昔先公遇高帝鼯睡龍懷天不驚
印如金斗酬百伐帶誓黃河申載盟桓桓祖武看公繩
天南別隱一長城金湯雖固尚在法恩信相孚何待征

古稱僕射如弟兄軍中笑歌髀肉生國公自進瑪瑙觥
醉後還賸出塞行

費元詩

義事久不見將謂民風漓有此費元者秦人何可欺嗟
嗟逆旅鄰平昔昧所知瘦死憐頃暫給饘活其饑傍窺
妄譏議將利室中姿鄰後願奴報夫婦自同來元曰非
奴利苟利非我爲掉頭畧不顧天地知吾私至此嫌猜
盡君子未嘗移所薄既云厚厚者宜過之兄氏沒永平

計達肝腸摧哀痛出天性殞絕豈自期或謂不可訓若
撻閱牆兒斯人今已矣其骨當爲芝其魄當爲雲祥瑞
昭明時況是有賢嗣天報信不差尚有千載後名從青
竹垂

二姬

晚色寒香二姬名也吾友張方洲無子未聘之者方
洲過世服除其長女劉夫人俾諸妾尚絲麻髻心獨
畧二姬曰汝少年歲月悠長當有別處二姬曰蒙先

主公取憐日久雖死不足報況有他意哉遂焚香告
天大慟二人互相落髮以表其志因賦此以旌之

色香寒晚總非宜豈是蟠桃結子時種樹園林春寂寂
惜花牕戶雨絲絲髻雲截誓生同落心石存恩死不移
兩結青青百年信九京當與主人知

荆花春意爲彭昉寅之賦

我寫彭家荆不寫田家樹彭家兄弟無異言不似田家
初有異兄弟原從一氣生荆亦同根復同祗花不亂開

則聚枝不亂大小附葉不亂上下蔽風吹枝葉動月出
形影具有兄弟應求之義次第之序人謂彭家有此兄
弟和我謂非此而能致老夫見其祖子孫和順孝友迨
三世無乃氣體之孚以和召和曾不戾彭家此樹未必
有我今寫此尚與存勸勵嘗見他家真有荆樹下鬩牆
兼紵臂饒他漫有好荆樹不如好兄弟有好兄弟荆亦
貴無好兄弟賤與凡木類我寫不寫樹寫其兄弟心之
懿兄弟和在心音聲容色愉而意不和名不祥家不利

我雖爲君寫萬樹不若自我栽一樹方寸地

閒適

睡起自遣

書枕悠悠自小康何須斷送腳塵忙
屏心雲氣山開畫樹裏簷聲雨滿堂
名利可憐雞有肋神仙祇累鼠拖腸
時時具酒招鄰曲閒與桑麻較短長

覺老

腕膈生痰謝酒觴菜羹麥飯且家常
山追舊眺今成嬾

事喜新聞背已忘春水試竿漁檻淨午風丸藥鳥牕涼
祇須如此成消遣種種塵緣與老妨

牕下獨坐

漸覺年捱七十傍聰明視舊已茫茫有生但恐違溫飽
凡事無能與短長食力田園聊任拙離羣城郭少知忙
新糊牕紙添虛白尚把殘書趁日光

病起

筋力遲遲百懶成關門只好謝逢迎老空求舊無同輩

拙不宜時讓後生久坐衣裳知晚露獨眠衾枕厭秋更
祇餘曝背兼捫蝨黃草簷頭覺稱情

試筆

老大爲生未有涯浮雲流水淡於懷小垂舞袖人嫌拙
寡出言辭我自佳月下古編開葉几雨中高竹映茅齋
無心苦算閒時日任爾新萸綠滿階

睡起

欲晴不晴雲閣雨欲落未落日掛山道人睡起思如水

閒倚長松數鶴還

晚步

西林聊獨步樹樹已棲鴉
童笈歸村校漁船聚酒家
玉痕雲映月紅纈水明霞
此景偏畱戀衰年類日斜

早興

清霜被羣葉青黃紛委地
病肌粟朝寒烘背俟陽氣
深坐聊展卷眊眊怯細字
歲月遞吾老不謂易以至
盛衰理自然微吟不成嘅

晚坐

春殘尚絮袍林屋氣蕭騷白日若不夜人生亦太勞泥
花方失勢雨筍漫爭高小酌仍觀物新醅愜老饕

擬一日復一日

一日復一日一朝復一朝青春不用推白髮不待招漸
見禪者大還催老輩凋借問學仙侶此關果誰超神仙
本冥冥其言亦寥寥獨有姬孔業天地同遙遙

晏起

水漫湖田雨漫村家貧只好不開門詩書衣食外無德
天地君親中是恩馬失未須論得失楚存何可卜亡存
百千世故都休問且把心耕教子孫

晚出過隣家小酌

兩旬方一出門外事紛拏魚促春波淺鳥爭林日斜老
夫傾竹葉稚子捉楊花小坐聊乘興猶堪感物華

紀夢

隱居遠住海邊州山水清標接夢遊酒醉又移花下席

書多別起竹間樓兒郎習字陟釐紙童子供茶秘色甌
起擁黃紬尋幻境一痕斜月小牕秋

慙慙

慙慙無役老人懷春日烘門晏始開遊衍太平初試杖
安排樂事數拈盃世情花黨富家發公道燕均貧戶來
識字不多強不識小篇聊與物追陪

貧富吟

貧富限世分高下莫均一富者說潤屋餘潤及銘筆貧

非止赤身裸死至無聖苟云可操致智士豈無術冥然
觀無物二者何得失

閒居

殘書滿屋迹堪埋俯仰寧求與世諧貧賤自安愚者分
毀譽何撓老年懷小篇鉛槧時時課糲飯藿羹日日齋
外慕素空塵夢絕庭前似厭有高槐

慶壽

生辰附

玉洞仙桃壽傳宮簷曰川

傳說本是天上星攝行相事奉青駕老成端諒帝所選
韋賢李勣德不亞譬爲舟楫濟川用譬爲繩墨梓乃架
表儀鶴苑統仙班祇講麟經曠清暇左氏文章費紙傳
溫公肖貌令人畫洞天開府住有家度索蟠桃覓無價
記載日月降甫申看到雲霞接高華三千結實歲何長
萬核果泥生不罷其人如玉壽如桃八百老彭何足詫

趙惟章壽詩

葛天之世此心藏萬事熙熙不著忙鄉認當時非姓鄭

人疑叔度誤呼黃詩供賓客三千竹衣蔭兒孫八百桑
宅相愛談吾耳熟固知賢者壽能長

盧以和生同歲月日時

與君一歲月時日亦相因何止同丁卯休論雌甲辰偶
然逢此數勉矣各爲人落魄乾坤內吾生豈患貧

六句

自是田間快活民太平生長六經句不憂天下無今日
但願朝廷用好人有萬卷書貧富貴仗三盃酒老精神

山花笑我頭俱白
頭白簪花也當春

壽表兄金懷用七十

筋骸可與少年爭
七十長鬚白未成
鄉裏燕毛多讓席
族中推行盡呼兄
魚蝦細水烟蒲瀼
鳥雀深叢雪竹浜
樂此閒居儘資壽
燒丹辟穀見誰生

六十一自壽

重逢丁未開新甲
過六十年增一年
壽是倘來那必得

人於末節要求全
占鳩挾婦傷今日

亡室同
月日生

羨鶴添孫

欠此緣

時未得孫

萬事莫論吾母健進將春酒北堂前

生辰

今朝六十八歷歲知既夥青春不還人七十近在左流
光迅晝夜忽忽迸石火我與石火爭寄活真螟螺但願
無疾疾詩骨瘦亦可浮雲載富貴過眼願不朶先人有
薄田數口頗纏裹關門事清咏天地自容我

生朝自遣

門前客到鶴先鳴灑掃茅堂作送迎座舉龍鍾先有我

鄉尋儕輩漸無兄
明年七十將來壽
今日三盃見在生
一幅布巾藤作杖
倩誰林下畫閒行

寫菊壽王學士濟之尊翁八十

我寫東籬第一枝
長生豈止紙爲期
年年上壽百年計
日日看花九日時
還喜帶金同晚色
不妨鬚玉照寒姿
莫釐亦是登高處
未必齊山許有詩

生朝

茲辰始度世
眇然畱我形
良荷生育德
允含天地靈
寓

品幸稱男耘耔充國丁衣裳賁其裸歲月假以齡駸駸
及朽腐草木自林垌隙光感多閱傾水莫返瓶承流且
云邁數止我自寧

生日小酌

今晨感我生襁褓迨衰老歲月倏往來七十何草草譬
初同此日天下生不少善惡與昏智貴賤及壽夭各各
不可齊鵬鷃皆自好但恥老醜人多爲後生藐我母自
愛我諭事且訖了兒女自愛我勸我飯加飽朋友自愛

我把酒頌且禱我生已萬幸際茲世有道拙廢固無用
農圃亦可保盃酌雖寡嗜些少慰懷抱偃息間行遊隨
意弄花鳥樂哉天地間偷生亦爲巧

分得清白遺後壽曹時中憲副

東家歸人買田地西家歸人置歌妓先生亦是歸來人
完名怕著黃金累教兒但守舊茅堂鬼瞰不能低可住
先生高壽却瞰人東田不存西妓去

七十喜言五首

自知蒲柳望秋零意外驚延七十星膝下還爲小頑子
籍中已是空閒丁先人蠹卷箱藤白老母魚羹釣竹青
儘把餘生享天福亦無慙媿到山靈

萬萬人中數我零爲農亦是一微星衣裳無補吾明主
天地徒存此老丁濶水游魚尾不赤絕雲高鳥影俱青
笑看拜亟癡兒女已到希年尚乞靈

七十迴來秋葉零後憐歷歲已晨星不才儘自慚諸已
識字聊堪破一丁心事浩隨雲共白髻毛難學草回青

湖田繞舍粗饘粥雞骨豐凶屢托靈

眼識茫茫齒髮零種田還欲候穰星百年云倘行猶未
七十爲稀幸已丁待月露生秋袷紫仰天風卸暑巾青
時修靜觀心齋裏應物虛明自覺靈

七十稀年又九零敢憑虛妄更推星身軀薄劣無壬甲
詩草繁蕪合丙丁饌品久空魚白白葷拌尚詫韭青青
因多歷世多知事非爲谿翁性有靈

生辰

野叟堂堂七十一乾坤坐閱老頑身美人座上笑白髮
白髮鏡中催美人且就月庚尋活子莫憑年甲算生辰
丹丘好在吾家裏滿眼生涯滿抱春

庚申十一月二十一日生朝作

七十四年剛送過今年添作五年來從前饒算沒一馬
向後猜闕知幾枚菜子筋骸強可舞吳兒心性老仍呆
人家有地皆桑芋我獨貪香却種梅

壽萱爲邵國賢賦

誰家無萱草誰家無老母堂前無孝子萱草亦空有邵
家碧玉根孝感生不苟開花作婉容順業承左右愁非
備養具不足克體口邵子所以種涉孝豈敢後聊寓盆
缶春志自超盆缶千祿以代養早已登州守官大功名
大封榮日加厚腰帶映金葩首翟照春酒如何母不樂
樂則自宜壽人生養至此孝果在萱否

壽趙與哲七十

隱德堪尊齒亦尊一家風物自桃源鞠躬禮度強筋力

隨口詩書善話言郡裏諤鐘大賓席人間玉雪舊王孫
七旬黑髮期黃髮兀兀靈光看獨存

畫松壽大司馬三原王公

尚書府中松十抱直氣貞心不知老關中土厚根柢壯
千年間生地之寶上叅雲漢不屈身世間草木斯爲表
用之擎天天久恃用之柱國國永保伐柯擊竒擬顧笏
摘葉指佞比堯草朝廷何可一日無百不爲多一非少
凌霜傲雪古色存蒼蒼直與秋天杳孔明廟前有老栢

此物亦自因人好大觀直謂古今同時固難同貴同道
金花玉苓仙所食只在長生不在飽須公采啖三萬斛
四海蒼生期壽考

壽張黃門靜之

千篇詩是紀年籌小算方經六十秋舊接夔龍侍香案
新移雞犬別方洲大觀滄海難爲水老望瑤京更起樓
壽祝如岡錯璋字寄君一笑海東頭

雙壽爲錢時用賦

嚴算方周甲慈籌稍一先歲年成上下天地與因緣春
酒百花下南山雙闥前兒郎新舉子父母老神仙

題松壽崔望宗

高松環翠堂前物材比楸楠壽比椿雲蓋今看樹成日
雪頭還在手栽人新苞擘玉收蒼子靈柢蒸霞驗伏神
我祝長生寫生去墨花吹雨硯池春

生日漫言

幼時慕八十妄念笑荒唐八十思幼時過事驚渺茫事

過三萬日人如傀儡忙忙到衰老傀儡是末場謬以
百年算畸日苦不長雖有六千日長短未可量使長莫
如前使短亦不妨固非罹天閼白髮映黃腸生順與沒
寧大觀理之常今日喜飲酒樂極發悲傷盜跖不在壽
顏淵千載光壽亦何足重所恥無流芳恥貧無潤身不
恥食糟糠恥賤無克家詩書在猶亡腐草舉末焰螺甲
懷餘香含靈參天地息存還自強

壽華光祿七十

壽躋七十古云稀七十生男更曰奇天自安排還有數
仁能昭報豈無時蟠桃仙種遲宜子椿樹靈根老又枝
八帙山翁把春酒當筵兼咏弄璋詩

紫芝白石壽韓戶書

地貞知石賦天瑞信芝生大補媯五色駢開漢九莖鮮
霞擁華蓋龐氣結元精磨軋存金礪晶和象紫瓊商顏
歌爛斨砥柱看崢嶸敢比魏公德還期壽作朋

壽張碧溪六十

先生雪鬚面如玉公輔隱然觀器局丈夫出處自有數
功名未在三千牘奈何駿骨老兀碑相者茫茫惟舉肉
先生掀髯發大笑誓弗回頭顧場屋江湖滿地氣豪傑
浮雲萬里空雙目本色風流賀季真著家詞賦張平叔
吳山越水行有窩爛醉何妨倚絲竹只今仕路成市道
黃金不多不推轂先生此夢已脫枕蹇驢破帽曾不辱
有時讀書至無逸何乃咄咄憂不足此心自許天地知
萬事奚憑鬼神卜今年換甲迨六十教我畫松須屈曲

靈根久世非脆物抑鬱風雲見畸獨我知造化有深意
信與之壽吝之祿一千斯年抱貞固犧尊青黃彼菑木
會晤

雨夜宿吳匏菴宅

雨中客舍苦局促故人招我有尺牘書云竹居可閒坐
烹茶翦韭亦不俗得書徑往興亦豪何慮衝泥污雙足
開門山林在城市濕綠如雲亞羣竹主人聲拆故意深
道慰契濶須信宿榻上爲我設衾枕堂中爲我羅酒肉

我時肺病已絕飲強舉一觴連五六長談細辨困僕夫
燈影簷花亂書屋羨君有弟雅誼同山水光明信珠玉
故事方思衛八家還咏逍遙堂後木人生良會豈易易
他日如今又難卜繆圖菲語何足記雪泥聊耳知鴻鵠
天全徐先生夜過

成化七年暑夜天全徐先生過雙娥僧寓小酌踏月
歌邢惇夫黃知命夜歸詩因賦此索先生留題

法雲夜歸黃仲達騎驢高歌仰明月天風獵獵吹白袍

履常殿後走不迭撰杖負囊無乃媒過市小兒笑口咽
何物老子作怪遊俗夫豈爾須仙列李圖邢詩遂大傳
邈五百年無四傑先生尋我興亦豪入更來敲僧戶閉
栖烏翻樹露滿葉長彗掃斗芒不折先生呼酒要排熱
乃云秉燭古有說三花朗咏掛巾篇故事不妨吾載設
高流風致自斗山一遊一嬉知不屑先生于此如有言
當與雙峯共磨滅

無錫沈宗貴存耕翁之仲子自弱冠侍翁至余家

余年十三見先父以詩畫贈存耕經四十九年
尚存宗貴所觀感而賦此

少別老逢情更真中經四十九年春青山昨日先君迹
白髮而今我輩人世數交遊詩作證話生感慨酒淹巡
旁觀莫怪多畱戀求舊原非一面新

與客夜坐

兩年方始一相逢偶集飛鴻雪後踪清話更添新繾綣
老身全比舊龍鍾弱雲弄月微分影細草關春暗轉容

不復事盃成兀對薰爐頻換小奚供

喜程元道見過

客子到門西日沈情緣一見一迴深
逼除歲月匆匆語
遠市盤飧草草心積竹叢寒魚合澤
墮樵風急鳥爭林
白頭與世殊踈濶特地因君理舊琴

與客夜酌次韻

高臺添燭漏初長一握歡聲闕夜堂
入座明河斜轉影
隔雲殘月淡容光如詩不就君當罰
願酒無多我恐狂

金史四庫全書
卷六
非但同年更同道白頭生長尚同鄉

史明古見訪

春來開門見新燕故人春來亦相見燕子不肯嫌貧家
破屋還勞故人賸燒燈屋下照白鬚高談雄辯如壯夫
且言老境知己少感慨滿懷人事殊常當有酒開口笑
君來我往亦須要願從君言不敢違肯作伯勞西去燕
東飛

燕王汝和水月軒

青子綠陰還可嬉酒盃無地不相宜夕陽翻席到人面
遠水搖山隔目皮今日直須終一日暫時何卜有他時
世間樂事尋常得但惜人生多別離

勸性甫飲用韻

喜君飲酒量不慳百壺五斗曾無艱髻毛苦短日月老
人生自忙天地閒紅花的皪雨腳後白鷗浩蕩江光間
明朝又擬常熟去典盡春衫方始還

會施知州煥伯

河洛頻年勞宦迹歸雲倦鳥是休時行藏有道無違易
康濟存心更事豎青草耰鋤問農圃白頭盃酒話親知
何妨日日相追逐百歲人生會有期

謁謙齋少師

潭潭府第倚山城故舊何須俟价行閭吏未知窮措大
相公自識老門生飡糈夾供叢談久鈴閣添香燕坐清
頭白歸來濟時了義田還復課兒耕

李司成至

詩書禮樂賢關長貧賤農桑老境人久荷清篇畱卷軸
又驚高誼動車輪梅花歡喜當簷笑柳色殷勤滿眼春
雞黍不嫌隨草具斯文一味覺情真

喜蘇文輝見過

杪歲風日寒臨門訝高駕晦迹久不出詣舍此云乍稜
層見詩骨孤瘦立秋華筋力駕年紀手策不少借升堂
載拜健歡靚饒言話性真具淳樸慮靜得閒暇安然丘
壑姿可使觀者化盃酒亦畧飲深坐且清夜人生屬長

離大半付悲咤雖獲少聚首未足爲慰藉我生尚碌碌
世諦末由謝何能傳隱訣低頭事耕稼

花朝雨中與王汝和小聚

與君將短髮慚愧柳條春白日急換歲黃金忙殺人漸
憐知己少獨覺老懷真把酒不在醉看花聊此晨

喜張碧溪至

重子杖藜非厭貧秋林紅葉頗如春交游未必在盃酒
正是老年無故人

喜許國用探疾至

藥爐烟暝隔生痰怪是新春百不堪樂事惜從多病誤
老懷喜與舊人談臨牀細酌更延五繫岸孤舟日轉三
雪裏梅花殊未發此情亦似爲君含

國用持前作至復用韻

坐深頻滌唾壺痰老態人前覺不堪靜觀欲從僧去學
新聞還待客來談雲涼桐肆高尋墨雨沃蕉苗長四三
今夕喜君申舊好小牕燈影酒中含

碧溪見和亦答一首

髯翁能飲老無痰
風度詞華種種堪
青紫盡推儕輩拾
桑麻聊就野農談
濁醪累舉觴成十
拙韻連篇和及三
此卷一時千載事
後人重展笑應含

過華光祿適出乃返後遇途半叙話夜深余以丹
毒思歸遂解纜而東畱此以謝失告之過

風雨登堂值兩山
相逢復喜半途間
得追笑語非虛約
更攬髭髯訝老顏
水宿極憐舟並住
宵征無那病思還

圖書有日酬清賞莫謂浮生無一閒

題山家壁

舊過山家今莫記屋頭高蔭發新楠三年眼見樹如此
雙髻情知老不堪欸有盃盤及奴輩話因門戶恤丁男
病餘未似前能酒亦爲殷勤入半酣

次匏菴雨中畱宿

野水浮雲蕩夕光仙舟兩宿古溪傍清篇感舊頻翻韻
濁酒謀隣載過牆燭跋不知春夜久雨聲如爲故人長

衛家翦韭今傳美他日寧無有竹莊

走筆畱客

谿上不礙路谿水如招人好友南海來談笑氣若春我
具一樽酒宿昔可以論況逢中秋月成我兩嘉賓雖有
東轅車我欲方其輪願因長相畱離別勿復言

十一月十七日盛仲規廼子乾旋見過

一冬不作寒陽氣殊泮渙昨夜病枕中朔風驚耳觀瑟
縮朝怕起高日照海岸枯林尚砢砢喧噪鴉鵲亂門前

報剝啄有客立凍鵲且云宵征苦逆楫宿途半扶僊出
慰謝鬱抱從笑散復云鈍舟者家君庸自訕此行亦小
鈍父子當併案君父有不鈍文筆捷飛翰子宜捷其捷
未許仍鈍貫捷鈍姑置之醺酒促燒炭

與客夜話

老年多病只關門始爲尋醫偶出村春過寂憐花致事
雨來忙見草承恩故人落落星催曉舊話淹淹月報昏
酒盞莫教辭潑灩客舟猶喜一壺存

夜酌與浦三正姚一丞沈二璞沈三觀大聯句

親朋坐多違偶合歡拍塞

正

詩懲夙盟寒夜感衆誼息

丞

修辭擬藻摘掇毫學著

周

求應尚同聲擇知貴合

德

璞

遞簡戒差承記燭期短刻

觀大

錨銖罔乞鄰纖芥

必出臆

正

聯成準繆糾句拆肖瓜副

丞

例在賞速成罰

難恕遲得

周

口吐畧腐陳意命隨曲直

璞

或逞覺軒軒

或屈恥默默

觀大

爭奇驗所豪角勝見乃力

正

不絕亘

韓師若畫創益織

丞

何高不欲躋無古弗祈即

周

從容

三達尊娟媚兩絕色

璞

淡誇揖讓潛瞻要排拶軾

觀大

蓬閬萬水縣峻函一九敕

正

穿鑿惜混沌愴恍覲鬼臆

丞浩蕩掀鵬天翼扇壓鰲極

周

幽脩盼谿梅蹇澀歷蹊

棘

璞

窮抽無餘思瑣拾有遺憶

觀大

點指互咄吁支頤

相兀嶷

正

設醴初假鈎流盃反因勒

丞

大都飲文字政

不在酒食

周

尚雅髡何呶辭淫完太畱

璞

畱連鵲番枝

展轉雞振翼

觀大

褻慢鑪爇消執困研漿跽

正

衣絮凍

逼薄漏水風咽漕

丞

汚筵墮哀燼躡地響殘核

周

啓戶

霜月正掛樹河漢仄

璞

會晤亦尋常風流惟此特

觀大

留蘇安道

東湖雨晴春水生美人載酒湖中行
茅堂翦我三夜燭論文說劍言縱橫
桃花楊柳渥春雨今朝撥棹湖東去
呼兒釀酒緩歸心春亦未歸君且住

支硎山麓逢楊君謙

林蹊相值夕陽邊迹似無官意有仙
高笠冒雲宜我畫小詞磨石信僧鐫
山逢佳處肩遲轎眼落閒時袖出編

隨後擔夫亦殊俗花筐酒榼兩頭縣

十二月四日入郭小舟逼坐五客徐舜樂出吳太史所和東坡先生清虛堂詩一韻三篇末章有及余者時天作小雪亦即興奉同一首

長河水落浮淺沙舟小客衆蜂喧衙江天翳眼雲作色
薄有雪意飄微花老夫抱病久不出歲莫瑟縮難辭家
荒郊寒風吹濕葦落雁接翅隨翻鴉前林枯條頗封白
的歷還疑梅著葩蓬牕欲賞苦乏酒覓火未便仍無茶

舟人却信我固吝婦翁枉事倫何過詩喉無奈渴少潤
祇累短髮空搔爬清虛高韻不可借聊且試筆開煩嗟
匏翁三篇況在側宛宛玉氣生高霞

畱金仲和

脫葉莫能綴折竹不能連流光背人去一去亦復然釀
酒豈無米種米豈無田豈有八十母兒可離膝前膝前
亦頃暫老者不少年襄陽雖云樂扶母難登船襄陽銅
鞮詩白日花滿煙思家總多夢母不在枕邊勸君母子

勿相失看取牀頭子母錢

與史西村相值途次遂同載

寒雲連雁古長洲
萍梗微踪此水頭
幸爾相逢風雨裏
他人無限往來舟
遠遊不盡江湖話
多病還驚霜露秋
一見一迴成一笑
老懷離思總悠悠

穀旦喜朱性甫至

城裏高官儘有衙
迂舟却到野人家
偶談山水悲筋力
因怪兒童忽歲華
白髮知春不如草
青燈隨眼漫生花

遣懷慰客非無酒壘恥還當一載賒

載會浦東白

八年初得載經過喜滿雲羅入笑訶老盡鬚顏畧相似
記來年歲久應訛西風部屋蕭蕭葉落日蘋江渺渺波
雖是病懷須強酒人生良會苦無多

與狄天章夜話

短棘長荆古道荒時風霎雨世情涼酒盃對面常肝膽
緩急從人卒在亡腐鼠與他饑醜得癡蟬招彼黠徒忙

約君且臥茆簷下
九仞高雲看鳳皇

雨中會子暘李太常仍同赴謝氏席

萍蓬吳越水
偶爾合清緣
發興欺沾雨
因逢數曠年
木蘭同小泛
櫻筍轉高筵
去倦不告別
歸程殊快然

會吳獻臣兵備兼謝惠詩

野老本孤陋
於公荷特憐
出門今偶爾
傾蓋昨同然
風雨酬一話
詩書當十年
永懷非日月
高誼薄雲天
俯仰少知已
遭逢誠勝緣
枉推慚極口
汎愛悚高篇
貌瘠道

腴內官廉德儉先鵬圖協公薦馬走願私鞭文武無愆
用崇卑各適權東吳卿月轉南徼使星躔道路瞻風節
山川照雪鋌府尊嚴武位幕集杜陵賢懷遠人何邇均
仁俗不偏明良欣盛遇哀颯舞林泉

黃克明使雲南還夜話

輶車萬里使星孤故國重逢已白鬚濁酒臨燈共風雨
新詩滿眼見江湖數車薏苡如珠否長柄壺盧有子無
劉道真問陸士衡白卿自東問俗論心言不盡鍾聲半
吳來有長柄壺盧帶種來否

夜喚啼鳥

侍家父世父與劉完菴西菴文會

野寺清尊對鶴羣
我來行酒聽論文
門前歇馬依青柳
池上開軒見白雲
自喜獻之同楔事
還慚阿買張吾軍
醉扶老父還家去
桑柘秋陰日未曛


重逢謝將軍

十年歸髻雪紛紛
桑影榆陰日半曛
帥府別開新院落
監門還識舊將軍
行逢戰蟻臨階看
坐愛歌鶯隔樹聞

恥向太平憔悴盡英雄無地覓高勛



石田詩選卷六



總校官進士臣胡 榮

校對官中書臣王家賓

謄錄監生臣李敦源